

Broj: 01-01.3-3122-8/17 PV

Datum: 04.08.2017. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakona), te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-3122-7/17 PV od 04.08.2017. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o poništenju postupka javne nabavke
u otvorenom postupku

I

Poništava se postupak broj: 01-01.3-3122/17 PV skupa sa Obavještenjem o nabavci broj: 266-1-2-236-3-86/17 objavljenim na Portalu javnih nabavki dana 13.07.2017. godine koji se provodi putem otvorenog postupka, a koji se odnosi na pružanje usluga: "Stručno savjetovanje za odabir tehničkih rješenja brze ceste Nević polje-Jajce" u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

II

1. Ponuda ponuđača "Građevinski fakultet Univerziteta u Sarajevu, Institut za geotehniku i geologiju" se odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete tehničke i profesionalne sposobnosti i ne ispunjava zahtjeve iz tenderske dokumentacije.
2. Ponuda ponuđača "Institut za građevinarstvo "IG" Banja Luka" se odbija kao neprihvatljiva u skladu sa članom 68. stav 1) Zakona jer ne ispunjava zadate uvjete tehničke i profesionalne sposobnosti.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 25. Zakona o javnim nabavkama, pokrenulo



otvoreni postupak broj: 01-01.3-3122/17 PV za nabavku usluga: „Stručno savjetovanje za odabir tehničkih rješenja brze ceste Nević polje-Jajce”. Na Portalu javnih nabavki objavljeno je Obavještenje o nabavci 266-1-2-236-3-86/17 dana 13.07.2017. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije zakazano je javno otvaranje ponuda dana 02.08.2017. godine u 11:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Braće Fejića bb Mostar, što je konstatirano u zapisniku o otvaranju ponuda u skladu sa Zakonom. Komisija je na javnom otvaranju ponuda konstatirala da su svoju ponudu predala (2) dva ponuđača.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno prijedlogu i preporuci Komisije za javne nabavke poništava se otvoreni postupak za pružanje usluga: “Stručno savjetovanje za odabir tehničkih rješenja brze ceste Nević Polje-Jajce” u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

- Ponuda ponuđača “Građevinski fakultet Univerziteta u Sarajevu, Institut za geotehniku i geologiju” se odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete tehničke i profesionalne sposobnosti i ne ispunjava zahtjeve iz tenderske dokumentacije.

- Ponuda ponuđača “Institut za građevinarstvo “IG” Banja Luka” se odbija kao neprihvatljiva u skladu sa članom 68. stav 1) Zakona, jer ne ispunjava zadate uvjete tehničke i profesionalne sposobnosti.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda
-

**izvršni direktor
za projektovanje i građenje:**



dr. Jasmin Bučo,

direktor:



Adnan Terzić, dipl.ing.



Dostaviti:

- Građevinski fakultet Univerziteta u Sarajevu, Institut za geotehniku i geologiju
- Institut za građevinarstvo “IG” Banja Luka
- a/a



Identifikacijski broj 4227691540005 PDV broj 227691540005

Glavni račun: Union banka Sarajevo 1020010000014039

Transakcijski račun: Raiffeisen bank dd Sarajevo, glavna filijala Mostar 1610200062470038

Federalna taksa za korištenje autoceste: 1610200062470232 i 3386902296565422

Naknada za korištenje cestovnog zemljišta: 1610200062470135 i 3386902296564549

Broj: 01-01.3-3122-7/17 PV
Datum: 04.08.2017. godine

Sastanci održani 02.08.2017. i 04.08.2017. godine u prostorijama JP "Autoceste FBiH" d.o.o. Mostar.

Ugovorni organ je pokrenuo otvoreni postupak za dostavu ponuda koji se sprovodi u skladu sa članom 25. Zakona o javnim nabavkama.

Sastancima prisustvuju sva tri člana komisije imenovane rješenjem broj: 01-01.3-3122-3/17 PV od 13.07.2017. godine.

U skladu sa članom 65. Zakona o javnim nabavkama („Službeni glasnik BiH“, broj 39/14), članom 18. Uputstva za pripremu modela tenderske dokumentacije i ponuda i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

**ZAPISNIK O PREGLEDU I OCJENI PONUDA
u otvorenom postupku**

- a) **Naziv i sjedište ugovornog organa:** JP "Autoceste FBiH" d.o.o. Mostar;
- b) **Predmet nabavke:** Pružanje usluga: „Stručno savjetovanje za odabir tehničkih rješenja brze ceste Nević Polje -Jajce“;
- c) **Evidencijski broj nabavke:** 01-01.3-3122/17 PV od 05.07.2017. godine;
- d) **Vrsta postupka javne nabavke:** Otvoreni postupak;
- e) **Broj obavještenja o nabavci sa Portala javnih nabavki:** 266-1-2-236-3-86/17 objavljeno na Portalu javnih nabavki dana 13.07.2017. godine;
- f) **Datum početka pregleda i ocjene ponuda:** Komisija je počela da pregleda ponude 02.08.2017. godine;
- g) **Naziv i sjedište svih ponuđača, prema redoslijedu zaprimanja ponuda:**
1. Građevinski fakultet Univerziteta u Sarajevu, Institut za geotehniku i geologiju koji je ponudio cijenu u vrijednosti 49.140,00 KM sa uračunatim PDV-om;
 2. Institut za građevinarstvo "IG" Banja Luka koji je ponudio cijenu u vrijednosti od 24.570,00 KM sa uračunatim PDV-om;
- h) **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:**
1. Ponuđač Građevinski fakultet Univerziteta u Sarajevu, Institut za geotehniku i geologiju je preuzeo tendersku dokumentaciju preko sistema "E-nabavke". Ponuda ponuđača Građevinski fakultet Univerziteta u Sarajevu, Institut za geotehniku i geologiju je uredno zapakovana, obrasci popunjeni, cijena bez PDV-a upoređena u obrascima Aneks 2 i Aneks 3, identična u oba obrasca.
 2. Ponuđač Institut za građevinarstvo "IG" Banja Luka je preuzeo tendersku dokumentaciju preko sistema "E-nabavke". Ponuda ponuđača "Institut za građevinarstvo "IG" Banja Luka je uredno zapakovana, obrasci čitko popunjeni, cijena bez PDV-a upoređena u obrascima Aneks 2 i Aneks 3, identična u oba obrasca.



- i) Procijenjena vrijednost nabavke: 51.000,00 KM bez uračunatog PDV-a;
 j) Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

R. B.	ANALIZA, PREGLED I OCJENA PONUDA	NAZIV PONUĐAČA	
		„Stručno savjetovanje za odabir tehničkih rješenja brze ceste Nević Polje -Jajce“	„Građevinski fakultet Univerziteta u Sarajevu Institut za geologiju i geotehniku“
a.	Kvalifikacioni uvjeti (uvjet/dokaz):		
1.	<p>Lična sposobnost. Uvjet: U skladu sa članom 45. Zakona, ponuda će biti odbijena ako je ponuđač: a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan; b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan; c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan; d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.;</p> <p>a) Dokaz: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije;</p>	+	+
2.	<p>-pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona i/ili da su registrirani za obavljanje predmetne djelatnosti u relevantnim profesionalnim ili trgovačkim registrima;</p> <p>-u svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registriran ili da obezbijedi posebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije;</p>	+	+
3.	<p>- tehničku i profesionalnu sposobnost u skladu sa članom 50. Zakona: a) da imaju na raspolaganju kvalificirano i iskusno ključno osoblje: i) vođa tima – odgovorni revident - dipl.ing.građevinarstva sa položenim stručnim ispitom ili ekvivalentnom profesionalnom inženjerskom kvalifikacijom iz drugih zemalja, te sa najmanje 10 godina iskustva stečenog u projektovanju i/ili reviziji projekata autocesta i/ili brzih cesta ii) jedan inženjer za trasu, petlje, ostale ceste i saobraćajne površine - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva stečenog u projektovanju i/ili reviziji predmetnih projekata autocesta i/ili brzih cesta; iii) jedan inženjer za inženjerske konstrukcije (mostovi, vijadukti, nadvožnjaci, podvožnjaci i sl.) - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa te sa najmanje 7 godina radnog iskustva stečenog u projektovanju i/ili reviziji predmetnih objekata na autocesti ili brzoi</p>		



<p>autocesta i/ili brzih cesta;</p> <p>iii) jedan inženjer za inženjerske konstrukcije (mostovi, vijadukti, nadvožnjaci, podvožnjaci i sl.) - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa te sa najmanje 7 godina radnog iskustva stečenog u projektovanju i/ili reviziji predmetnih objekata na autocesti ili brzoj cesti;</p> <p>iv) jedan inženjer za inženjerske konstrukcije (tuneli, galerije, potporni zidovi i sl.) - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva stečenog u projektovanju i/ili reviziji predmetnih objekata na autocesti i/ili brzoj cesti;</p> <p>v) jedan inženjer za geologiju - diplomirani inženjer geologije ili rudarstva sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci stečenog na poslovima geoistražnih radova u oblasti niskogradnje koji ispunjavaju uslove Člana 65. „Pravilnika o geotehničkim istraživanjima i ispitivanjima te organizaciji i sadržaju misija geotehničkog inženjerstva“ stavovi 2), 3) i 4);</p> <p>vi) jedan inženjer za geotehniku - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci stečenog na poslovima geotehničke u oblasti niskogradnje koji ispunjavaju uslove Člana 65. „Pravilnika o geotehničkim istraživanjima i ispitivanjima te organizaciji i sadržaju misija geotehničkog inženjerstva“ stavovi 2), 3) i 4);</p> <p>vii) jedan inženjer za elektrotehničke projekte - dipl.ing.el. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci stečenog na poslovima projektovanja i/ili revizije elektro instalacija i TK kanalizacije na autocesti i/ili brzoj cesti na saobraćajnicama</p> <p>viii) inženjer za mašinske instalacije - dipl.ing.mašinstava sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci stečenog na poslovima projektovanja i/ili revizije mašinskih instalacija na saobraćajnicama</p> <p>ix) stručnjak za izradu studija izvodljivosti; ekonomisti ili inženjeri svih vrsta građevinski, saobraćajni, mašinski, šumarski, geolog, biolog i sl, sa najmanje 7 godina radnog iskustva u struci i 5 godine profesionalnog iskustva na izradi/ili reviziji studija izvodljivosti autocesta ili brzih cesta</p> <p>x) inženjer za okoliš - dipl.ing.građ. ili dipl.ing.saob ili dipl.ing.maš ili dipl. biolog,.., dipl.ing.šum. (hortikultura). sa najmanje 7 godina radnog iskustva u struci i 5 godine na poslovima izrade/ili revizije Studija i Procjena uticaja na okoliš i izradi strateških okolinskih dokumenata (Strategija zaštite okoliša, Planovi upravljanja otpadom na entiteskom i kantonalnom nivou);</p> <p>NAPOMENA: Tim se sastoji od najmanje 9 (devet) diplomiranih inženjera. Vođa tima može biti jedan od inženjera (inženjer za trasu... ili inženjer za konstrukcije mostovi vijadukti... ili inženjer za konstrukcije tuneli galerije...), s tim da uslov postavljen za vođu tima mora biti zadovoljen.</p> <p>U slučaju da ponudu dostavlja grupa ponuđača, ugovorni organ će ocjenu ispunjenosti kvalifikacionih uvjeta od strane grupe ponuđača izvršiti na slijedeći način:</p> <p>- grupa ponuđača kao cjelina mora ispuniti uvjete koji su navedeni u tački 7.4.1. tenderske dokumentacije, te članovi grupe ponuđača moraju dostaviti dokumentaciju kojom dokazuju ispunjavanje postavljenih uvjeta, na način na koji su predviđeni da se dostavljaju dokazi;</p>	<p>n/p</p> <p>-</p> <p>+</p> <p>+</p> <p>-</p> <p>-</p> <p>-</p> <p>-</p> <p>+</p> <p>+</p> <p>n/p</p>	<p>+</p> <p>+</p> <p>-</p> <p>+</p> <p>+</p> <p>+</p> <p>+</p> <p>+</p> <p>+</p> <p>n/p</p>
---	--	---



	<p>- uvjete koji su navedeni pod tačkom 7.1.1, 7.2.1 i 7.6.1 mora ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuje ispunjavanje postavljenih uvjeta, na način na koji su predviđeni da se dostavljaju dokazi;</p> <p>Grupa ponuđača je udruženje dva ili više ponuđača koje je pravovremeno dostavilo zajedničku ponudu. U slučaju dostavljanja zajedničke ponude, članovi grupe ponuđača dužni su dostaviti Izjavu o zajedničkoj ponudi. Izjava o zajedničkoj ponudi sadrži naziv i sjedište svih ponuđača koji učestvuju u zajedničkoj ponudi, naziv i sjedište nositelja ponude-glavnog ponuđača, ime i prezime osobe/osoba ovlaštenih za potpisivanje zajedničke ponude, ime i prezime osobe/osoba ovlaštenih za potpisivanje ugovora i potpise i pečate svih članova grupe ponuđača, te navode ponuđača iz zajedničke ponude o solidarnoj odgovornosti članova grupe ponuđača.</p> <p>Grupa ponuđača koja želi učestvovati u ovom otvorenom postupku javne nabavke dužna je dostaviti original ili ovjerenu kopiju pravnog akta o udruživanju u grupu ponuđača radi učešća u postupku javne nabavke, u roku od 5 dana od dana prijema odluke o izboru najpovoljnije ponude. Navedeni pravni akt mora sadržavati: pojedinačne podatke o članovima grupe ponuđača sa tačnim identifikacionim elementima; navod o pravu istupa u ime grupe ponuđača, predstavljanja i ovlaštenje za potpisivanje ugovora u ime grupe ponuđača kao i utvrđenu solidarnu odgovornost između članova grupe ponuđača za obaveze koje preuzima grupa ponuđača. Ukoliko ponuđač ne dostavi definisani pravni akt sa definisanom sadržinom, ugovor će se dodijeliti sljedećem ponuđaču sa rang liste.</p>	n/p	n/p
b. Ispunjenost uvjeta u pogledu dostavljanja svih potrebnih dokumenata prema sadržaju ponude:			
1.	Pravilno popunjen obrazac za ponudu koji je dat u Aneksu 2 tenderske dokumentacije, odnosno obrazac koji sadrži sve elemente definisane Aneksom 2;	+	+
2.	Pravilno popunjen obrazac za cijenu ponude koji je dat u formi kao Aneks 3 tenderske dokumentacije;	+	+
4.	Kvalifikacioni dokumenti predviđeni tačkom 7. TD: -Izjava o ispunjenosti uvjeta iz člana 45. stav (1) tačke a) do d), u skladu sa formom Izjave datoj u Aneksu 5;	+	+
	-ovjerene kopije dokumenata kojima ponuđač dokazuje ispunjenost uvjeta iz člana 46. stav (1) do (2) (<i>dokaz o registraciji ponuđača: izvod iz sudskog registra ili rješenje o registraciji ili sl.</i>);	+	+
	-Izjavu ponuđača da na raspolagnju ima traženo tehničko osoblje u skladu sa Izjavom datoj u formi Aneks 6;	+	+
	-Spisak ključnog osoblja	+	+
	-CV i uvjerenje o položenom stručnom ispitu za svakog stručnjaka posebno	+	+
	-Izjava o sukobu interesa čl. 52 Zakona (Aneks 7)	+	+
5.	Obrazac povjerljivih informacija, u skladu sa Aneksom 4 – ukoliko ih ponuđač ima;	+	+
6.	Potpisan nacrt ugovora - koji je sastavni dio tenderske dokumentacije kao Aneks 8;	+	+
7.	Parafiran Opis Usluga – Aneks 9	+	+
8.	Popunjena Blok tabela konsultanata – Prilog B. – Aneks 9	+	+
9.	Popunjena Struktura troškova za kontrolu proj.dok.-Prilog D. – Aneks 9	+	+
10	U svrhu dokazivanja da ispunjavaju uslove za primjenu preferencijalnog tretmana domaćeg ponuđači su dužni dostaviti: Izjavu kojom potvrđuju da kje privredni subject registriran u BiH i da najmanje 50% radne snage za izvršenje ugovora su rezidenti iz BiH. Izjava je data u sklopu Aneksa 2 – Obrazac za dostavljanje ponude zaokruživanjem predloženog stanja ponuđača u Izjavi ponuđača, koje se odnosi na preferencijalni tretman. Ukoliko ponuđač ne zaokruži nijedno stanje smatraće se da ponuđač ne ispunjava uvjete za primjenu preferencijalnog tretmana domaćeg;	+	+



11	Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište ponuđača podnosilac ponude nema pečat;	+	+
12	Ponuda mora biti potpisana od strane odgovorne osobe za predstavljanje ponuđača (navedenom u Izvodu iz sudskog registra, rješenju o registraciji) ili osobe ovlaštene od strane odgovorne osobe ponuđača pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje članova grupe ponuđača;	+	+
13	Popis dokumentacije koja je priložena uz ponudu.	+	+
c.	Prikaz prihvatljivosti ponuda prema obliku, sadržaju i potpunosti i ostalih uvjeta iz tenderske dokumentacije		
1.	Uvezana u cjelinu /knjiga, obezbjeđena jemstvenikom/	+	+
2.	Ponuda napisana neizbrisivom tintom	+	+
3.	Pravilno numerirana ponuda	-	-
4.	Ponuda napisana na jednom od službenih jezika u BiH	+	+
5.	Dostavljena kopija ponude	+	+
6.	Ispravke u ponudi	+	-
7.	Računske greške	-	-
8.	Izmjene/dopune ponude i odustajanje od ponude	-	-
9.	Izražena namjera podugovaranja	-	-
10.	Cijena ponude u okviru procjenjene vrijednosti	+	+
11.	Ispunjenost zahtjeva u pogledu opisa predmeta nabavke i tehničkih specifikacija	+	+
12.	Prihvatljivost ponude (da/ne)	ne	ne

Objašnjenje oznaka: “+“ (da, dostavljeno/postoji, pravilno popunjeno) “-“ (ne, nije dostavljeno / ne postoji, nije pravilno popunjeno), “n/p” - nije primjenjivo

k) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

1. Ponuđač: “Građevinski fakultet Univerziteta u Sarajevu, Institut za geotehniku i geologiju” ispunjava kvalifikacione uvjete lične sposobnosti iz člana 45. Zakona; kvalifikacione uvjete sposobnosti obavljanja profesionalne djelatnosti iz člana 46. Zakona, te djelomično ispunjava kvalifikacione uvjete tehničke i profesionalne sposobnosti iz člana 50. Zakona:

Ponuđač je pogrešno ispunio biografske podatke (CV) za predložene stručnjake, na način da je u koloni za period angažiranja od – do (*mjesec/godina*) neprecizno naveo period (npr. 1994-95, 1995 i sl.) ne navodeći tačan mjesec početka i mjesec završetka pružanja usluge, kako je zahtjevano u Obrascu biografski podatci (CV) – prilog C, tako da Komisija Ugovornog organa nije mogla tačno utvrditi traženo radno iskustvo za svakog pojedinačnog stručnjaka (vođu tima, za trasu, za objekte na trasi – tuneli i mostovi, mašinske instalacij, izrada studija (npr. deset/sedam godina iskustva stečenog u projektovanju i/ili reviziji).

Stručnjak za elektroinstalacije pravilno je popunio CV, ali zbrajanjem iskustva u struci ustanovljeno je da navedeni stručnjak ima iskustvo od 55 mjeseci odnosno 4 godine i 7 mjeseci na traženim poslovima projektovanja i/ili revizije elektroinstalacija i TK kanalizacije saobraćajnica, što je manje od zahtjevanih 7 godina.

Kao predloženi stručnjaci iz oblasti geologija i geotehnika (doktori tehničkih nauka) ispunjavaju uvjet u skladu sa Pravilnikom o geotehničkim istraživanjima i ispitivanjima te organizaciji i sadržaju misija geotehničkog inženjerstva član 65. stav (2), gdje je navedeno da uvjet za obavljanje poslova geotehničkog inženjerstva ispunjavaju i diplomirani inženjeri srodnih struka (rudarstvo i geologija), “a koji su se kroz radno i stručno usavršavanje specijalizovali za



geotehniku: naučno zvanje magistar ili doktor nauka iz oblasti geotehnike ili 10 godina iskustva na značajnim poslovima iz oblasti geotehnike.”

Ponuda ponuđača: "Građevinski fakultet Univerziteta u Sarajevu, Institut za geotehniku i geologiju sadrži i formalno pravne nedostatke:

- ponuđač je prilikom popunjavanja u Obrascu za dostavljanje ponude – Aneks 2 (str. 3-1) vršio ispravku korektorom u koloni za članove grupe ponuđača.
- ponuđač je pogrešno numerirao listove ponude što je u suprotnosti sa zahtjevom iz tačke 4.2 Konkurentskog zahtjeva: Svi listovi ponude moraju biti numerirani na način da je vidljiv **redni broj stranice ili lista**, u skladu sa članom 8. stav (6) i (7) Uputstva za pripremu modela tenderske dokumentacije i ponude: „Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numeriše. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno.” (znači numeracija ide 1.,2.,3,4,..... listovi ponude se ne numeriraju po sadržajnim dijelovima ponude, kako je to uradio ponuđač 3.1, 3.2 i slično).

Dakle, ponuda ponuđača "Građevinski fakultet Univerziteta u Sarajevu, Institut za geotehniku i geologiju" se odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete tehničke i profesionalne sposobnosti i ne ispunjava zahtjeve iz tenderske dokumentacije.

2. Ponuđač: "Institut za građevinarstvo "IG" Banja Luka ispunjava kvalifikacione uvjete lične sposobnosti iz člana 45. Zakona; kvalifikacione uvjete sposobnosti obavljanja profesionalne djelatnosti iz člana 46. Zakona, te djelomično ispunjava kvalifikacione uvjete tehničke i profesionalne sposobnosti iz člana 50. Zakona:

Predloženi stručnjak za trasu – vođa tima je pravilno popunio CV, ali zbrajanjem iskustva stečenog u projektovanju i/ili reviziji projekata autocesta i/ili brzih cesta ustanovljeno je da navedeni stručnjak ima iskustvo od 36 mjeseci odnosno 3 godine, što je manje od zahtjevanih 10/7 godina (predloženi stručnjak za trasu).

Stručnjak za geologiju pravilno je popunio CV, ali zbrajanjem iskustva u struci ustanovljeno je da navedeni stručnjak ima iskustvo od 62 mjeseca odnosno 5 godina i 2 mjeseca na traženim poslovima geoistražnih radova u oblasti niskogradnje, što je manje od zahtjevanih 7 godina (predloženi stručnjak je dipl.inž.geologije).

Dakle, ponuda ponuđača "Institut za građevinarstvo "IG" Banja Luka se odbija kao neprihvatljiva u skladu sa članom 68. stav (1) Zakona, jer ponuda ne ispunjava kvalifikacione uvjete tehničke i profesionalne sposobnosti.

- l) **Prikaz traženih i dostavljenih garancija za ozbiljnost ponude, ako je traženo:**

U skladu sa Zakonom nije tražena garancija za ozbiljnost ponude.

- m) **Podaci o pojašnjenju ponuda u skladu sa članom 68.stav (3) Zakona:**

Nije traženo pojašnjenje ponuda.

- n) **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:**

- - ponuđač je prilikom popunjavanja u Obrascu za dostavljanje ponude – Aneks 2 (str. 3-1) vršio ispravku korektorom u koloni za članove grupe ponuđača, bez navođenja datuma ispravke, što je u suprotnosti sa zahtjevom iz tačke 4.2 Konkurentskog zahtjeva - **Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke (ispravke se ne vrše korektorom – mora biti vidljivo prvobitno**



upisano stanje prije ispravke, koje se precrta i pored njega se upisuje ispravljeno. Ispravke moraju uz navod datuma biti potvrđene pravovaljanim potpisom ovlaštene osobe).

- o) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:**

Sve ponude ispunjavaju zahtjeve u pogledu opisa predmeta nabavke i tehničkih specifikacija.

- p) Podaci o ispravkama računskih grešaka u ponudama ako ih je bilo:**

Prilikom računске kontrole u ponudama nisu uočene računске greške.

- q) Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:**

1. Ponuda ponuđača "Građevinski fakultet Univerziteta u Sarajevu, Institut za geotehniku i geologiju" se odbija u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete i ne ispunjava zahtjeve iz tenderske dokumentacije.
2. Ponuda ponuđača "Institut za građevinarstvo "IG" Banja Luka" se odbija kao neprihvatljiva u skladu sa članom 68. stav 1) jer ne ispunjava zadate uvjete tehničke i profesionalne sposobnosti.

- r) Razlog za odbijanje ponude zbog neprirodno niske cijene:** Nije primjenjivo;

- s) Analiza prihvatljivih ponuda prema kriteriju za izbor ponude:** Nije primjenjivo;

- t) Rangiranje prihvatljivih ponuda prema kriteriju za izbor ponude:** Nije primjenjivo;

- u) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Nije primjenjivo;

- v) Podaci o dijelu ugovora koji se daje u podugovor i podaci o podizvođaču:** Nije primjenjivo;

- w) Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Nije primjenjivo;

- x) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:**

Komisija jednoglasno daje prijedlog direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese Odluku:

-o poništenju otvorenog postupka za nabavku usluga „**Stručno savjetovanje za odabir tehničkih rješenja brze ceste Nević polje-Jajce**“ u skladu sa članom 69. stav 2) tačka d), jer nijedna od primljenih ponuda nije prihvatljiva;

-da se ponuda ponuđača "Građevinski fakultet Univerziteta u Sarajevu, Institut za geotehniku i geologiju" odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete i ne ispunjava zahtjeve iz tenderske dokumentacije;

- da se ponuda ponuđača "Institut za građevinarstvo "IG" Banja Luka odbija kao neprihvatljiva u skladu sa članom 68. stav (1) Zakona, jer ponuda ne ispunjava kvalifikacione uvjete tehničke i profesionalne sposobnosti.

- y) Datum završetka postupka pregleda i ocjene ponuda:** Komisija je završila pregled i ocjenu ponuda dana 04.08.2017. godine;

- z) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Senada Lizde, predsjednik komisije

Pero Vukoja, član komisije

Marijana Prkačin Goluža, član komisije

Za sekretara Komisije imenovana je Ružica Sablić;

Senada Lizde
.....
Pero Vukoja
.....
Marijana Prkačin Goluža
.....



aa) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):

- Ovaj zapisnik nema priloga

Saglasan:



.....

Adnan Terzić, dipl.ing
direktor

